

靈寶領教濟度金書卷之十一 代二

洞微高士開光救苦真人審金具授
靈寶通玄弘教水南先生林靈真編

讚頌應用品明度祈
禱通用

五方衛靈呪

九炁青天	明星大神	煥照東方	洞映九門
轉燭陽光	掃穢除氛	開明童子	號曰玄卿
備衛我軒	上對帝君	收魔束妖	討捕凶群
奉承正道	赤書玉文	九天符命	攝龍驛傳
晉天安鎮	我得飛仙		
三炁升天	煥景流光	榮星轉燭	洞照太陽
上有赤精	合契虛皇	開明童子	號曰華芳
總禦火兵	備守玉堂	斬邪束妖	剪截魔王
社帝所承	風火衝當	流鈴交煥	翊衛壇場
正炁流行	敢有猖狂	我事上功	坐運魁罡
億劫長存	保天無疆		
七炁素天	太白流精	光耀金門	洞朗大真
中有素皇	號曰帝靈	保神安鎮	衛我身形
斷絕邪源	王道正明	宮殿整肅	三景齊并
道合自然	飛升紫庭	靈寶符命	普衛萬生

元皇正炁 來合我身 功加一切 天地咸寧

五炁玄天 元始徘徊 辰星轉燭 洞煥大微

黑靈尊神 號曰層威 統冠飛天 仙裾羽衣

備守五門 檢精捕非 敢有干試 豁落斬摧

玉符所告 神真八威 邪門閉塞 正道流輝

三光映照 我身無衰 策空駕浮 舉形仙飛

黃炁中央 調理乾坤 陶鑲陰陽 總統玄真

鎮星吐輝 流耀九星 開明童子 號曰天璘

陽炁焰上 朱煥炎精 洞照內外 運我身形

百邪摧落 攝役鬼靈 中山神呪 普天使聞

五靈安鎮 身飛上清 三日九朝衛靈呪

金真綠霞 煥映三天 飛雲丹霄 諸天控轄

晨輝啓旦 陰翳俱蠲 九微震空 五星回旋

萬仙應感 自然妙玄 普真散景 分形億千

騎獅跨鶴 控龍乘鸞 萬星守舍 千魔不干

道炁長存 萬仙悉安 神光朗耀 瑞氣市旋

玉眸金真 寶壇純乾 變夜作晝 回子午前

太華流彩 丹鳳飛圓 息魔滅奸 高步祥烟

天真普集 齊到帝前 五星虛映 煥景神庭

潛形香點 周遊五經 揚威耀日 役使甲丁

却妖除禍 滌穢消氛 萬魔恐怖 龍虎飛奔

紫雲交覆 萬炁齊并 黃中策炁 斬滅妖宗

太上符命 召制神功 萬靈斯格 却禍除凶

左命青腰 右攝芝童 道遙殿景 總御九空

玄壇應機 乘炁虛沖 萬真普降 濟度无窮

金真空降 神虎檢營 玉帝披霞 諸天命靈

九晨回駕 萬魔束形 九微送烟 神威攝精

流金擲火 百惡消并 神輝耀夜 洞映長庚

八景六周 聖運所持 左賓赤方 右啓帝扉
 東華高府 灌鍊辟非 回輪日耀 轉盼月輝
 今日大慶 萬道同歸 玄壇正炁 保天无衰
 普告三界 驛龍風馳
 元始虛皇 集炁居中 三境洞香 肇生穹窿
 七轉九虛 混合回風 變化萬神 天地開通
 吉日行道 萬魔敬從 晨輝朗照 默運元功
 執節建麾 散花太空 十方普度 劫運无終
 玄陰七靈 九炁合形 魂精魄爽 二景回輪
 飛光赫奕 煥耀長春 日月吐輝 四合華英
 大梵流布 奔飛炎鈴 魔王受事 朝謁帝京
 含靈普濟 廣惠幽冥 玉文敷告 萬炁騰升

一日三朝衛靈呪

青陽虛映 耀日回靈 神虎辟邪 飛天流鈴
 摧奸滅試 萬魔束形 九微回道 八威攝精
 千真校錄 三元蕩消 左嘯中黃 右策六丁
 七轉八合 周旋天經 聖化魏魏 三道順行
 慶雲流布 合紫黃庭
 丹靈朱火 炎霞激風 赤輪剛運 天光八衝
 逆威包羅 交變萬方 流金豁落 群魔滅蹤

辟奸破妖 明耀元功 金符召制 躡雲策龍
 謠歌慶會 散花太空 神化冥運 四極安隆
 伏御帝前 固有不恭
 五星高耀 瑞炁飛浮 元始集神 天地交周
 玉符寶節 嘯命微幽 擲火揚威 奸凶無留
 萬魔振伏 紛葩却消 摧怪伐惡 道炁周流
 神光照夜 陰翳俱收 萬神降格 扇景乘颺
 群生咸遂 惠遍神州

五方總呪開度通用

五靈列位 煥鎮五方 始皇護魂 丹老衛形
 皓靈侍魄 黑帝攝生 中央黃帝 統御萬真
 元皇誥下 幽夜開光 罪消北府 名列南昌
 金錄定籍 玉宇除殃 朱陵鍊質 飛神太倉
 三官九府 无極神鄉 普受開度 上生天堂

五星都呪新錄通用

五星列照 煥明五方 水星却災 木德致昌
 熒惑消禍 太白辟兵 鎮星四據 家國利耳
 刊名玉簡 錄字帝房 乘風散景 飛騰太空
 出入真无 遊宴十方 五雲浮蓋 招神攝風
 役使萬靈 上衛仙翁

璇璣齋衛靈呪

晨精朗耀 紫烟御空 星壇煥映 變化雲宮
 日魂月魄 離坎翼中 金真肅命 神虎辟鄰
 吉日行事 八威鼓從 玉華羅敷 徘徊飛虹
 天光下照 道炁豐隆 含靈普濟 流慶无窮

早朝十念

一念為道四大合德齋主七世父母免墮幽
 苦上升天堂衣食自然二念帝王國王道化
 興隆庠序濟濟皇教恢弘威儀翼翼普天所
 瞻民稱太平四夷賓伏妖惡自滅聖賢自生
 三念法師功德大建教化明達俱獲飛仙四
 念同志學人早得仙道更相開度五念九親
 和睦好尚仁義貴道賤財行為物範六念損
 已布施道士及饑寒者天下人民各得其所
 七念蠕動踐行一切衆生咸蒙成就八念教
 貫前生今世罪對立功補過九念家門隆盛
 宗廟有人世生賢才十念專受經師不敢中
 怠平等一心廣度冠獲上仙白日登天拜見
 太上永成真入雲車羽駕和與道合真

午朝十二願

13077A 4-1

一願大道深泊虛无安闌空寂澄清自居廣
開法門教道頑夫皆蒙惠澤精普自修預以
同學善得升度與天相保長存无憂二願諸
天結炁澄清高虛廣覆保真固靈蒸蒸調節
四運和平國安民豐普天闌寧廣濟一切惠

遠有生保天長存億劫不傾三願土地覆載
无窮安平不陷海淪不崩保鎮家國兆民具
從養生安死惠周十方禾稼滋植營運日豐
咸得厚載萬類皆從四願日月二景高明无
有字鉅虧盈安清无照諸天洞消暗冥保固

劫運世祚和平普加潤澤惠洒衆生五願星
辰與日齊光轉燭照耀明映十方各安其位
經緯直行保鎮家國无有災傷四海寧一普
天興昌六願四時隨節推遷景炁和調无有
災患疫毒消滅普天安平五穀豐熟國富民
歡七願浮雲結炁聚烟飛空高澄陰覆玄玄
隱則无為散則彌天神仙同居結友衆真惠
流一切與國愛民普濟衆生人同劫年八願
風雨流洒无窮普加施泄受其發揚萬物滋
生國儲民豐九願五嶽各安其方魏巍包藏

長為仙宮安鎮國祚保天无終護度一切真
不仰宗十願江海蕩蕩无極含容恢廓无細
不植淵與柔惠潤加蟠息天人獲慶年同劫
名十一願帝王國主日昌四鎮安睦兵革不
揚天人歌唱吉應來翔敷教濟濟威化揚揚
兆庶稱慶長樂未央十二願喧飛蠢動已生
未生成蒙安全普得生成皆見元氣受陽之
形草木果林經冬不零一切救度靡不鮮榮
和與道合真

晚朝十願

一願大道流行普天懷德二願一切有主咸
皆悟道三願九夜悲魂一時解脫四願孤魂
無依咸得受生五願天下太平五穀豐熟六
願臣忠子孝君仁父慈七願四海通同寬親
和釋八願潛胞處卵咸得生成九願積疾新
病旋即痊愈十願孤露衆生豐衣足食

小十二願

一願乾坤明素二願氣象清玄三願聖君萬
壽四願化洽八埏五願天垂甘露六願地發
祥烟七願四時應候八願萬物生全九願家

多孝第十願國富才賢十一願齋功廣被十
二願善瑞日臻

請左右幕詞

修齋行道表請其師真君降臨壇所

右某師換易 玄師真君 天師真君

經師真君 籍師真君 度師真君

監齋真君 天官帝君 地官帝君

水官帝君 青靈始老帝君 丹靈

真老帝君 皓靈皇老帝君 五靈

玄老帝君 元靈元老帝君

雲輿已降鶴駕來臨齋事功圓還當奉送

送左右幕詞

修齋事畢仰荷玄恩至心稽首拜辭某師真
君 雲輿弗駐鶴駕難留後有齋修還當奉請

三皈依

志心皈依十方道寶當願衆生起心回向一

切信禮

志心皈依十方經寶當願衆生心開悟解受

持讀誦

志心皈依十方師寶當願眾王普上法橋無有障礙

三開經

萬罪蕩除善芽增長

聞經已後惟願眾生深入法門皈依信禮

永斷執迷常歸正教

召魂諸章

陽斗章

陰陽推運劫數更遷生死周流執愚執賢輪轉無窮上元造化未出三界拘於神變魁咆東斗方魘魁西轉魁南辰方魁

回址面陰靈陰靈子茫茫沒沒陽魂陽魂子碌碌幽幽天地冥冥萬鬼潛天地動萬鬼

乘天地靈兮萬鬼長陰陽運兮鬼神享太乙召兮何遲遲先至後至律有常感此徬徨附

我猶賜汝靈書歸上清急急如

太乙玄冥夫人律令攝

陰斗章

五行所造兮復歸於五行四大假合兮還歸於大空或陰或陽兮運天地之根宗天地冥

方萬鬼潛天地動兮萬鬼乘天地靈兮萬鬼長陰陽運兮鬼神享太乙召兮何遲遲天一

址作召汝魂太乙紫元攝汝魄冥海冥波冥

昧神不問八極鬼與精慮此徬徨附我猶賜

汝靈書歸上清急急如

太乙玄冥夫人律令攝

又斗章

胎光奕靈幽精三魂皈空皈真天地正真炁

再使汝成形此是五行造化精無藏無避無

逃形一呼速至現真形感此徬徨附我猶賜

汝靈書歸上清急急如

太乙玄冥夫人律令攝

青玄尋魂章

六陰冥冥黑波重 中有羅敷六天宮

萬鬼成羣痛哀泣 悲惱毒烈大惡崇

无上洞音徹九夜 飄飄吹下悲悲風

吹向寬普召億魂 聞者奔赴寶壇中

召六道章

壯鬱萬鬼群 六道苦沈淪 江海山嶽中

幽魂長冥魂 太乙玄元壇 玉音降至尊

普召悉來赴 咸悟如生存

生神偈

太微回黃旗 無英命靈播 攝召長夜府

開度受生魂 明梵飛玄景 開度長夜魂 遊奕赴胡歸

炁炁返故根 符命通冥漠 靈播揚曉風 遷神超址府

飛鳥上南宮 靈音振空洞 死魂離幽裔 感英無凝滯

去留如解帶

靈寶經偈

三官壯鬱兮明檢鬼營不得容隱兮金馬驛

程普告無窮兮萬神咸聽三界五帝兮列言

上清急急如本章律令

元始符命兮時刻昇遷址都寒池兮部衛形

魂制魔保舉兮度品南宮死魂受鍊兮仙化

成人急急如本章律令

敕制地祇兮侍衛送迎拔出地戶兮永離鬼

官魂度朱陵兮受鍊更生是謂無量兮普度

無窮急急如本章律令

開通道路偈

天尊降旨下瑤臺 童子傳言地獄開
業海愛河皆息浪 鑊湯爐炭變寒灰
真符告下羅酆去 陰府迎將淨魄來
觀聽法音消罪戾 永離苦海出輪回

朝禮偈

大有玉清宮景無窮壇下亡靈謹致恭朝帝

宗 大學元始天尊

七寶紫微宮景無窮壇下亡靈謹致恭朝化

宗 大聖靈寶天尊

太清太極宮景無窮壇下亡靈謹致恭朝教

宗 大聖道德天尊

傳戒三寶偈

稽首皈依道大羅元始尊香冥開祖劫混沌

立天根願垂清淨法開度此亡靈和往生神

仙界

皈依宸上法三洞大乘經奉用薦亡靈和往

生神仙界

皈依超妙境諸天得道師奉用薦亡靈和往

生神仙界

三清樂

仙境道德尊五靈元老君留教度亡靈和願
往生極樂三清界三清界惟願薦亡靈升太
清

真境靈寶尊玉晨大道君傳教度亡靈和願

往生極樂三清界三清界惟願薦亡靈升上

清

聖境逍遙路逍遙路亡者駕雲與升太虛和

願往生極樂三清界三清界惟願薦亡靈升

玉清

堪歎三偈

堪歎南柯夢南柯夢一夢夢南柯能幾何和

大聖元始天尊

堪歎莊周夢莊周夢一夢夢莊周能幾何和

大聖靈寶天尊

堪歎黃梁夢黃梁夢一夢夢黃梁能幾何和

大聖道德天尊

五方童子偈

奉請東方青靈啓道童子手執青蓮花接引

此亡靈和往生神仙界

奉請南方金輝啓道童子手執紅蓮花接引

此亡靈和往生神仙界

奉請西方真覺啓道童子手執白蓮花接引

此亡靈和往生神仙界

奉請北方明啓道童子手執碧蓮花接引

此亡靈和往生神仙界

奉請中央妙光啓道童子手執黃蓮花接引

此亡靈和往生神仙界

靈寶領教濟度金書卷之十一